

Forfatter: Helgesen, Poul

Titel: Udrag fra Compendiosa regum Daniæ historia

Citation: Helgesen, Poul: "Skrifter af Paulus Helie 6. Bind / ved Marius Kristensen og Hans Ræder. - 1937 Udgivet af Det Danske Sprog- og Litteraturselskab", i Helgesen, Poul: *Skrifter af Paulus Helie 6. Bind / ved Marius Kristensen og Hans Ræder. - 1937 Udgivet af Det Danske Sprog- og Litteraturselskab*, 1932-1948, s. 17. Onlineudgave fra Arkiv for Dansk Litteratur: <https://tekster.kb.dk/catalog/adl-texts-helg06val2-shoot-idm140415585343200/facsimile.pdf> (tilgået 26. april 2024)

Anvendt udgave: *Skrifter af Paulus Helie 6. Bind / ved Marius Kristensen og Hans Ræder. - 1937 Udgivet af Det Danske Sprog- og Litteraturselskab*

Regum Daniæ Historia 17

æquare aut transcendere curæ habuit. In suos tamen tyrannidem non exercuit. Huius temporibus Starcatherus voluntarie ab Hatero quodam interfectus occubuit.

5 I SIVARDVS.

49. Rex Syuardus Omundi filius fuit infortuna-
tissimus, siquidem illis temporibus inuaserunt Sueci
Schaniam, vicerunt, occupauerunt. Sic Germani quo-
que totam Iutiam. Igitur pugnans aduersus illum,
10 qui Schaniæ erat præfectus, occisus est, occiso simul
et Schaniæ præfecto.

BVTHLVS Buthle.

50. Rex Buthlus Syuardi frater ob mentis ig-
nauiam coactus est aduenienti Iarmerico regnum
15 tradere, sicque ex rege priuatus cuasit.

IARMERICVS.

51. Rex Iarmericus multis victorijs gloriosus apud
Sclauos, quos frequenter rebellantes etiam frequen-
ter victos rursus Danorum potestati subiecit. Tan-
dem seductus delationibus cuiusdam calumpniato-
20 ris, cui Bicconi nomen erat, speciosissimam vxorem
suam nomine Suawildam regis Hellesponti filiam
ob stupri suspicionem a Biccione falso intentatam
tradidit equorum calcibus proterendam, qua re magis
25 fuit illius obscurata gloria quam prioribus victorijs
illustrata. Nam ob hanc causam ab vxoris fratribus,

2 VI

18 *Regum Daniæ Historia*

amputatis sibi primum pedibus et manibus, interemptus est.

BRODERVS.

52. Rex Broderus Iarmerici filius parum idoneus succedit in regnum. 5

3 SIVALDVS.

53. Rex Syualdus nullius præclaræ rei author.

SNIO.

54. Rex Snio Syualdi filius. Hic patriæ res non solum seruauit, sed etiam diminutas in pristinum 10 habitum reuocauit, Schaniam quoque a Danicæ iurisdictionis integritate submotam, ad societatem patriæ victoria insigni reduxit. Hic regis Sueciæ vxorem vi rapuit, magno regni detrimento. Huius temporibus exorta graui fame, exijt e regno grandis exercitus, 15 qui superatis Alpibus proximam illis Italiae partem, quæ nunc Longobardia dicitur, ab iisdem vocabulum sortita, quod essent longis barbis, inuadentes occupabant, ac interfectis omnibus viris, relictas vxores accipiebant, vnde creuit tota Longobardorum 20 posteritas. Hæc autem feruntur facta Anno salutis 586.

BIORN.

55. Rex Biorn succedit nullo egregio facinore insignis. 25